

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第四一冊

地方志人物傳記資料叢刊

國

家

圖

書

館

編

北京圖書館出版社

第四十一冊目錄

(光緒)曹縣志

王侯志	一
帝王	一
封建	六
官職志	一九
太守	二二
縣令	二二
縣丞	二八
主簿	三二
典史	三六
教諭	三九
訓導	四二
巡檢	四五
醫學訓科	四七
同知	四九
通判	五一
守備	五二
名宦志	五七

選舉志	六九
-----	----

徵辟

進士	七〇
----	----

恩賜科第	七六
------	----

歲貢	七九
----	----

武科	九一
----	----

援納	九三
----	----

封贈	一一五
----	-----

人物志	一二五
-----	-----

歷代名賢

賢淑	一六七
----	-----

清朝名賢	一七〇
------	-----

人物續志	一八七
------	-----

仕蹟	一九六
----	-----

行誼	二一五
----	-----

忠義	二一九
----	-----

游寓	二二一
----	-----

仙釋	二二五
----	-----

藝文志	二二五
-----	-----

(民國)定陶縣志

職官志	二三七
-----	-----

官志	二三七
名宦	二七九
人物志上	三七九
人物志下	四一五
人物志續	四三五
人物志補遺	四四九
藝文志	四五一
(民國)東明縣新志	
設官篇	四五五
文職	四五七

武職	五二九
東明縣設官沿革表	五三九
東明黨務人員一覽表	五四三
東明民衆團體人員一覽表	五四五
東明行政人員一覽表	五四九
東明自治人員一覽表	五五三
文獻志	五五五
職官	五五七
仕進	五九三
人物	六八七
藝文	八一九

曹縣志卷之八

王侯志

帝王
封建

后妃

詳邇爲邵藩美晉鄭或基鴻庥或共上命倪天稽度
疑錄毓聖人神之主河濟互映淑人有儀四國足詠

帝王

虞

舜姓姚氏瞽瞍之子黃帝八代孫也母握登氏死繼母
生象父母及象嘗欲殺舜舜盡孝友之道耕稼陶漁
與人爲善二十以孝聞三十登庸堯使攝行天子事
二十有八載堯崩避位而天下歸之乃卽位以土德

王號有虞氏帝修政語曰吾盡吾敬以事吾上故見
爲忠焉吾盡吾敬以接吾敵故見爲信焉吾盡吾敬
以使吾下故見爲愛焉是以見親愛於天下之民而
見貴信於天下之君故吾取之以敬也吾得之以敬
也帝師紀后拜蒲衣親善卷學於務成訪不逮於總
章作米廩以藏帝籍貴德養老藏金捐珠四方風動
聲教四訖八伯咸進稽首曰明明上天爛然星陳日
月光華宏於一人百工相和而歌慶雲帝乃偶之復
旦之章史稱陶河濱而器不苦窳者卽境內地也諸
馮在曹北境去厯山雷澤不遠

商

成湯名履又名天乙契之後也姓子氏母扶都見白氣貫月感而生天乙居於亳聞伊尹賢以幣聘之三進於桀而不用置爲己相諸侯聞其祝網之仁皆嘆曰湯恩及禽獸德至矣歸之者四十餘國桀無道伊尹相湯伐之放於南巢退而就諸侯之位諸侯咸推之三讓然後卽天子位後徙穀熟建丑爲地統湯承揖讓之後爲放伐惟有慚德仲虺乃作誥以釋其慚歲旱發金鑄幣以賑救民民因以不困後大旱七年占曰當以人禱湯曰請雨凡以爲民也若以人吾自當

之遂素車白馬身攬白茅以爲楨紐以六事自責禱
於桑林之野言未畢大雨方數千里遂作桑林之樂
在位三十年崩葬曹南山之陽是爲北亳

盤庚陽甲之弟成湯十二代孫也初成湯伐夏歸亳踐
天子位數傳及盤庚先世祖乙居耿上地迫近於山
嘗有圯壞至陽甲立盤庚爲之臣嘗謀徙居湯舊都
而民以久居於耿有沃饒之利不樂遷未果及盤庚
立復有河決之害盤庚乃述先世五遷故事明遷都
之利不遷之害臣民從之乃自耿遷於亳從湯所都
改商曰殷行湯之政無總貨寶式敷民德商道因以

復興今曹境有盤庚村卽其地

漢

世祖光武姓劉氏名秀長沙定王之後景帝之裔也父
欽爲濟陽令有善政嘉禾在疇一莖九穗冬生光武
於官舍因名曰秀隆準曰角泛愛容衆時號白水眞
人海內潰亂人懷漢德帝從白水起兵以應之絳衣
大冠見者驚謂曰謹厚者亦復爲之乃稍自安後除
苛政廷攬英雄破王郎定彭寵取張豐收獲索攻張
步羣臣請卽皇帝位皆不聽會儒生奉赤伏符來詣
乃卽帝位於鄴南是爲東漢馬援嘗曰陛下恢廓大

度同符高祖帝王自有真也既卽位擢用西土賢士
謂卓茂有仁政首封之以風四方稽古建學尊師重
道禮嚴光以崇尚節義謝西域不窮遠略在位三十
三年後河南尹煒建宮於濟陽蔡邕爲之碑今猶傳
漢舍嘉禾云

后妃

蘇妃修己者有莘氏女也蘇納爲妃修己見流星貫昴
感而成孕歲十有二月生禹於石紐鄉後蘇殛禹續
父業平水土奠九州錫圭告功克蓋前愆

封建

唐

虞

夏

南燕

姁姓伯爵黃帝子蒼林之後始封之祖曰伯
鯀今縣北二十里燕城尚存父老猶能言之

商

帝嚳之子名契教民有功封於商賜姓子氏其地南
連歸德今曹之南境也自契至湯凡八遷皆在境內

傳稱湯以七
十里即此也

莘國

姁姓本夏之族到世
次未詳今曹西北是

周

曹叔振鐸

姬姓伯爵周文王第六子母太姁武王十三
年已卯克商三月封叔於曹為曹伯歷年無

考宋熙甯間禱雨於
祠有應封豐澤侯

封建

太伯辟

振鐸之子

仲君平

辟之子

宮伯侯

平之子

孝伯雲

侯之子

舜伯喜

喜之子周厲王十四年丙申嗣立

幽伯疆

喜之弟周厲王四十四年己卯嗣立為弟公子蘇所弑在位九年

戴伯蘇

曹公子疆之弟周宣王二年乙亥弑其君幽伯而自立在位三十年

惠伯咒

蘇之子周宣王三十二年乙巳嗣立二十五年周始東徙王室益卑在位二十六年卒傳子石甫

甫其弟武

弑而自立

穆公武

石甫之弟周平王十一年辛巳弑石甫自立在位三年

桓公終生

武之子周平王十四年甲申嗣立至四十九年己未入春秋在位五十六年

莊公射姑

終生之子亦曰夕姑周桓王十八年己卯嗣立

釐公赤

莊公之子羈出奔赤於周惠王七年辛卯嗣立

昭公班

赤之子周惠王十五年己未嗣立

共公襄

班之子周惠王二十四年戊辰嗣立

共公以歸

己又復之

文公壽

襄之子周頃王元年癸卯嗣立

宣公廬

壽之子周定王十二年丙寅嗣立簡王八年癸未魯侯及諸侯來朝遂從王季子成子會晉侯

伐秦廬卒於師在位十八年曹人使公子負芻守使公子欣時逆喪負芻弑世子而自立

成公負芻

曹公子周簡王八年癸未嗣立與魯晉宋同圍齊卒於師在位二十三年

武公滕

負芻之子周靈王十七年丙午嗣立在位四年

平公頌

滕之子周景王七年癸酉嗣立在位四年

悼公午

頌之子周景王二十一年丁丑嗣立在位九年

聲公野

午之弟周敬王五年丙戌嗣立為通所弑在位五年

隱公通

聲公之弟周敬王九年庚寅弑野代之後為弟露所弑在位五年

靖公露

通之弟周敬王十四年己未嗣立在位十四年

伯陽

露之子周敬王十八年乙酉嗣立魯哀公九年宋景公入曹以曹伯陽歸遂滅曹凡二十五世而曹

亡

安陵君

國策魏攻管而不下安陵人縮高其子為管守信陵君使人謂安陵君曰君其遣縮高安陵言

使道使者復信陵君命縮高曰父攻子守人大笑見臣而下是背王也父教子背亦非君之所喜也敢

再拜辭信陵君大怒謂安陵君必生求縮高而致之
安陵君曰吾先君成侯受詔先王以守此土也手受
太府之憲憲之上篇曰子弑父臣弑君有常刑不赦
國雖大赦降城亡子不得與焉今縮高謹辭大位以
全父子之義而君曰必生致之是使我負先王詔而
廢太府之憲也雖死終不敢行縮高聞之曰吾已全
己豈可使吾君有魏患哉乃之使者舍自刎今曹縣
西北七十里安陵城其南三里許有大阜高二丈
餘相傳為安陵君墓徧考羣籍別無安陵君存此以俟考

西漢

濟陰哀王不識

梁孝王武第五子景帝中元六年五月
自梁國分出王濟陰一歲薨無子國除

諡曰哀

定陶王囂

宣帝子也衛捷孖生以甘露二年立為定陶
王王故濟陰國都定陶食九縣三年徙王楚

是為楚孝王地入
於漢為濟陰郡

封建

定陶共王康

孝元帝子也母曰傅昭儀以永光三年立為濟陽王徙為山陽王八年徙定陶王少

而愛長多材藝習知聲音上奇器之母昭儀又幸幾代皇后太子成帝即位緣先帝意厚遇異於他王薨子欣嗣成帝無子徵入為皇太子上以太子奉太宗後不得顧私親乃立楚思王子景為定陶王奉共王後成帝崩太子即位是為孝哀帝即位三年追尊共王為共皇后置寢廟京師序昭穆儀如孝元帝徙定陶王景為信都王云

秭侯商邛城

征和二年以大鴻臚擊衛太子力戰封侯食二千八百二十戶

秭侯金日磾

字翁叔本休屠王太子也從渾邪王降漢事武帝以功封侯食二千三百一十戶

事昭帝
諡曰敬

秭侯金賞

日磾子嗣封無後

秭侯金當

日磾曾孫紹封千戶王莽敗國除

東漢

濟陰悼王長

明帝少子永平十五年封後
卒於京師無子國除諡曰悼

濟陰王保

安帝太子廢為濟陰王延光
四年迎入即位是為順帝

濟陰王熙

獻帝子制於曹氏建安十
七年封魏受禪降為列侯

濟陰侯武山

南北朝

濟陰王拓跋新成

景穆皇帝子和太平三年封頗有武
略庫莫奚侵擾詔新成率眾討之新

成乃多為毒酒賊既漸逼使棄營而去賊至喜而競
飲了無所備遂簡輕騎因醉縱擊俘賊甚多薨贈大
將軍諡曰忠

濟陰王拓跋鬱

新成子嗣位開封為徐
州刺史以贖貨賜死